



Broj:01-01-0051/24
Sarajevo, 05.01.2024.godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22), člana 14. Pravilnika o javnim nabavkama roba, usluga i radova u JU „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine, a na osnovu Preporuke Komisije za javnu nabavku, broj: 09/3-3005/23 od 05.12.2023.godine u postupku nabavke – Usluge gradskog grijanja za potrebe Javne ustanove „Služba za zapošljavanje Kantona Sarajevo“ Sarajevo, v.d. direktorica *donosi*

ODLUKU o poništenju postupka javne nabavke

Član 1.

Prihvata se Preporuka Komisije za javnu nabavku broj: 09/3-3005/23 od 05.12.2023.godine i poništava se postupak javne nabavke – Usluge gradskog grijanja, za potrebe Javne ustanove „Služba za zapošljavanje Kantona Sarajevo“ Sarajevo, u konkurentskom zahtjevu za dostavu ponuda, iz razloga što nijedna od primljenih ponuda nije prihvatljiva.

Član 2.

Ova Odluka bit će objavljena na web stranici JU „Služba za zapošljavanje Kantona Sarajevo“ Sarajevo, www.szks.ba, shodno članu 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Odlukom o pokretanju postupka nabavke – Usluge gradskog grijanja, za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-2806/23 od 02.11.2023. godine, pokrenut je predmetni postupak javne nabavke.

Javna nabavka provedena je putem konkurentskog zahtjeva za dostavu ponuda.

Ukupna procijenjena vrijednost iste bez PDV-a iznosi 32.478,00 KM.

Slijedom navedene Odluke, dana 10.11.2023. godine, na Portalu javnih nabavki, izvršena je objava Obavještenja o nabavci broj: 774-7-2-65-3-27/23. Nadalje dana 17.11.2023. godine objavljena Ispravka za obavještenje o nabavci broj: 774-7-2-65-8-29/23 zajedno sa Izmjenom tenderske dokumentacije broj: 2859-1/23 od 16.11.2023. godine.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-2894/23 od 16.11.2023. godine, shodno okvirima djelokruga rada, prisupila je blagovremeno pregledu i analizi pristigle ponude, nakon što je utvrđena blagovremenost i urednost dostave, konstatovala da je u predmetnom postupku zaprimljena jedna (1) ponuda i to:

- KJKP „Toplane – Sarajevo“ d.o.o., zaprimljena pod protokolarnim brojem 09/3-50-JN/23 od 29.11.2023. godine.

Daljom analizom jedine pristigle ponude broj: 0503-02/23-305 od 27.11.2023. godine, o čemu je sačinila odgovarajuće zapisnike, utvrđeno je, te konstatovano da shodno tački 2.2. Tenderske

dokumentacije broj: 2859-1/23 od 16.11.2023. godine, sadržajem koje se zahtijeva da u svrhu ispunjavanja uslova sposobnosti obavljanja profesionalne djelatnosti propisane članom 46. Zakona o javnim nabavkama, ponuđač nije dostavio dokaz, Rješenje o upisu u sudski registar ili Aktuelni izvod iz sudskog registra, te takvu ponudu Komisija cijeni kao neprihvatljivu, slijedom čega sačinjava Preporuku broj: 09/3-3005/23 od 05.12.2023.godine.

Cijeneći navedeno, dosljednom primjenom i pravilnim tumačenjem odredbi člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22), čime su se stekli uslovi za poništenje postupka predmetne nabavke, člana 14. Pravilnika o javnim nabavkama roba, usluga i radova u JU „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine, a postupajući po preporuci Komisije broj: 09/3-3005/23 od 05.12.2023.godine, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.



VD Direktorica
Tamara Jakupović

Dostaviti:

- KJKP „Toplane – Sarajevo“ d.o.o.,
- Jedinici za nabavke,
- A/a

